

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

**Broj: T04 0 KT 0057496 24
Zenica, 24.11.2025. godine**

**OPĆINSKI SUD U ZENICI
-Sudiji za prethodno saslušanje-**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku FBiH (ZKP FBiH), podižem

O P T U Ž N I C U

Protiv osumnjičenih:

A. T., ..., osuđivan, ne vodi se drugi krivični postupak, i

K. Č., ..., osuđivan, prema vlastitom kazivanju izdržao kaznu zatvora 2022. godine u trajanju od 25 mjeseci, ne vodi se drugi krivični postupak,

Zbog postojanja osnovane sumnje da su:

Dana 22.02.2024. godine oko 11.17 sati u Ugostiteljskom objektu „...“, koji se nalazi u ..., u Ulici ..., grad Zenica, u kojem su se nalazili gosti, nakon prethodnih razmirica i nakon što je u navedeni ugostiteljski objekat ušao H. H. i prišao stolu za kojim su se nalazili A. T., K. Č. i E. R., K. Č. zatražio od H. H. da mu preda svoju jaknu, što je isti i učinio, a u kojoj jakni su se nalazili lični dokumenti i stvari H. H. i to pasoš na ime H. H. broj ..., vozačka dozvola na ime H. H. broj ...lična karta na ime H. H. broj ..., „...“ kartica, studentska kartica na ime H. H., prekršajni nalog izdat na ime H. H., četiri komada fotografija, jedan ključ, kutija cigareta, rukavice za trening i oko dvadesetak KM, da bi nakon toga A. T. pozvao H. H. da odu do WC-a, što je ovaj odbio, nakon čega mu je A. T. zadao dva udarca zatvorenom šakom u predjelu glave, nosa, a K. Č. pokušao istom zadati udarac u tijelo uz promašaj, da bi se nakon toga H. H. dao u bijeg iz navedenog ugostiteljskog objekta, a za kojim su se uputili A. T. i K. Č., usljed čega je H. H. zadobio teške tjelesne povrede koje se u svojoj sveukupnosti ogledaju u prelomu jagodične kosti desno sa nagnječenjem desne jagodične regije, prelomu poda i vanjskog koštanog dijela orbite desnog oka sa dislokacijom košanih fragmenata i prelomu prednjeg, zadnjeg i vanjskog zida gornjeviličnog sinusa sa krvnim podlivom unutar istog, svjestan da na taj način A. T. teško ozljeđuje H. H., što je i htio, te svjesni da nasiljem prema drugom, izazivanjem tuče i naročito drskim i bezobzirnim ponašanjem ugrožavaju građanski mir H. H. i prisutnih gostiju u navedenom ugostiteljskom objektu, što su i htjeli, da bi nakon toga A. T. predao predmete i stvari H. H., koji su se nalazile u jakni koju je predao K. Č., ovlaštenim službenim licima Ministarstva unutrašnjih poslova Zeničko-dobojskog kantona, Uprave policije, Policijske uprave I, a navedeni predmeti i stvari vraćeni H. H., o čemu su izdate odgovarajuće potvrde

Dakle, A. T. drugog teško tjelesno ozlijedio, te A. T. i K. Č. zajedno nasiljem prema drugom, izazivanjem tuče i naročito drskim i bezobzirnim ponašanjem ugrozili građanski mir,

Čime bi A. T. počinio krivično djelo teška tjelesna ozljeda iz člana 172. stav 1. KZ F BiH u sticaju sa krivičnim djelom nasilničkog ponašanja iz člana 362. stav 1. KZ F BiH u saučesništvu, a K. Č. krivično djelo nasilničko ponašanje iz člana 362. stav 1. KZ FBiH u saučesništvu, sve u vezi sa članovima 54. i 31. KZ FBiH